

All die Dräum

Musik & Text Björn Heuser / Verlag: Dabbelju Music

Setz en der Köch,
schriev dir ne Breef, der drette hüek,
obwohl ich weiß 't hätt keine Zweck.

Du bes irjendwo,
jottweißwo ungerwääs,
un ich weiß nit ens – küss do zoröck?

Klar, Leev es verjänglich,
un övverhaup letztendlich,
kütt et anders als mer denk...

Ich stonn am Rhing,
un luur dä Scheffe noh,
ob du jrad an mich denks, oder mich verfluchs?

Klar, he un do sinn Jeföhle schon noch do,
doch für mieh als e Woot wohl kaum jenooch ...

Leev es verjänglich,
un övverhaup letztendlich,
kütt et anders als mer denk ...

**All' die Dräum, all' Illusione,
all' die Jedanke, all' Emotione,
weiß du eijentlich, dat ming Welt
sich nit mieh öm dich driecht?**

Denn et jitt Dräum, die och verjonn,
es et manchmol och nit leich dat zo verstonn,
ich küss dich einmol noch – dann weed ich jonn.

Die Wolke am Himmel,
wesse selvs nit su genau,
wo se ahnkumme met dä Zick.

T'es wohl et beste,
ich jonn minge Wääsch,
un fleech e Stöckche met de Wolke met.

Denn Leev is verjänglich,
un övverhaup letztendlich,
kütt et anders als mer denk ...

All' die Dräum ...